

文翰大成

四下

賦
宋

漢書門類			
三	七	四	一
一	四	三	一
一	〇	〇	〇
冊	架	函	號

內閣文庫			
三	七	四	一
一	四	三	一
一	〇	〇	〇
冊	架	函	號

內閣文庫			
番號	漢	3741	
冊數	100 (5)		
函號	362	68	



文翰類選大成賦類目錄卷第四下

淺草文庫

張文潛大禮慶成賦

齋居賦

鳴鷄賦

雨望賦

鳴蛙賦

哀伯牙賦

蜘蛛賦

燔薪賦

晁無咎求志賦

北渚亭賦

許安世公生明律賦

孔毅父智若禹之行水律賦

沈初周以宗強律賦

林希佚道使民律賦

江衍王道正則百川理律賦

秦少游黃樓賦

湯泉賦

郭子儀單騎見虜律賦

蔡確送將歸賦



呂和叔天下為一家賦

去非玉延賦

邢敦夫南征賦

舜俞老圃賦

劉跋宣防宮賦



文翰類選大成賦類目錄卷第四下

張欽夫續杞菊賦

王仲夫南都賦

蘇叔黨颶風賦

思子臺賦

王龜齡會稽風俗賦

民事堂賦

蓬萊閣賦

朱仲晦感春賦

白鹿洞賦

空同賦

張敬夫遂初堂賦

楊廷秀此君軒賦

糟蟹賦

後蟹賦

文翰類選

左長史上海李伯璵編輯

伴

讀慈谿馮

厚校正

賦類

宋

大禮慶成賦

張文潛名耒泗州人蘇門四學士

惟宋六世皇帝踐祚之七年。所以和同天人。綏靜中外。垂鴻
襲裕。增高累厚。以對神祇祖考者。固已蒙被充塞。光融翕赫。
六合一意。四海一口。無得而言矣。粵以壬申之仲冬。將有事
于南郊。乃詔列位。恪職賦事。而有司建言。惟我國家。因時施
禮。郊立之位。天地咸在。牲幣並薦。禮樂合舉。而古者乃以陰
陽之至。即南北之郊。別位殊時。薦獻異數。有司其何從。於是

天子惕然深思。祇畏敬戒。曰：茲大事。我其敢專。群卿士典禮之官。竭愚和會。以訂不易。於是議者曰：先生齊明以享帝。而帝之享否。雖聖人未由知之。惟受福者。其享之占也。恭惟國家。合祭天地于茲六世矣。惟我太祖躬膺駿命。以遏亂畧。堂皇二儀。拓落八極。以定萬世之業。太宗威定宇內。震蕩大鹵。以一九有。定天下於一尊。真宗熙洽富盛。符瑞委積。南牧之獬。不戰請命。威加北荒。奏功岱宗。仁宗席安據厚。不動指顧。孽獠猾羗。含毒內向。吏士未頓。藏竄屈伏。終始太平。垂五十年。英宗入纂。百姓與能。神考有為。六服承德。此可謂受天地之福矣。然則神祇之安吾享也。其久哉。於是天子乃翳青雲之屋。乘雕玉之輿。應龍受轡。招搖翼軫。建虹霓之修竿。賜彗星之飛旂。太一執節。以先驅兮。二十八星拱手布武。經營

而周流。貔貅六師。雷霆萬乘。初海沸而雲湧。忽山峙而川靜。蓋天子粹然玉温。健然天運。望宮門而動色。顧執策而命進。惟烜赫之靈源兮。實臯祖於神明。覽光德而來降兮。館玉宇之嚴清。張咸英之廣樂。備千籥之盛舞。景光交徹。鸞鶴來下。神嬉靈豫。醉爵飽俎。翼清廟。觀德之宮。七聖在天。時降于宗。時降于宗。世有哲孫。豈弟無疆。惠我文人。瞻祖祏而念功兮。顧禰室而感親。聖孝油然而發。中兮。在位望而含卒。霽賜告且。祥飈掠塵。從我髦士。來祗精禋。御史肅吏。司馬飭兵。既逶逶。遲遲雲流。而日行兮。又洶洶業業。海運而天聲。靈旗洪旆。翕赫歛霍兮。攫挈龍虎。而亂鯤鵬。椎鷺擔威。而震伏兮。柔良化禮。而肅清。弛威弧戟。天文兮。固已熄滅。蚩尤而析橈槍。執飛廉。圍商羊。屬之有司兮。義和磨刮。披拂。盡獻其光明。蓋傾都

空聞翹首跂足俯窺履綦。傍覘佩玉者。忽焉不知手之加。頽
口之成祝也。於是背都城望帷宮。郊坰坦其迤邐。邇兮場圃既
寒而畢功。頽青雲以連屬。粲虹霓之經緯。紫微下屬於兩觀。
勾陳錯施於萬雉。扶傾之神。仰立而拱。翔德之龍。下抱而曳。
疑神變之歛成兮。涌九地而出峙。連廡千柱。廣殿萬楹。飛甍
闔楠洞牖。屹壁酸股之隅。眩目之極。唐洛執筭而莫計。班倕
操斤而自惑者。類非資材於斲壤。而皆機杼之紡績也。一室
之用。足以溫一家。一宮之費。何啻衣一國。驚霆之蹕既震。洶
壑之聲。咸寂。敬齋寢之靜深兮。何清虛而邃密。天子方端而
虛儼而一。多儀未舉。精意已塞。甲夜始晦。嚴鼓載作。飛斂走
伏。神驚鬼愕。望舒騰精以燭宵兮。玄冥收威而布德。靈囿五
震。軫車將中。天子乃被袞執玉兮。齊明莊栗之誠。動于進趨。

表于形容。千燎具揚。萬炬畢融。上揜熒惑。旁爍燭龍。近爲朝
暘。遠爲融風。赫赫曦曦。煌煌輝輝。列次之士。野屯之師。歸如
酌醇醪而御兼衣。黃流汪洋。璧玉照徹。祥祲衡布。協氣下決。
音爲樂和。形爲人悅。白質之獸。簫聲之鳥。紛披雜沓。應奏而
舞。節陟降既周。燎煙始升。奔星走虹。奉璧薦牲。豐隆奔馳而
仰驚兮。祝融焜煌而上征。開閭闔兮。闕清都。后帝燕兮。百神
愉。圓錫蓋兮。方獻輿。岳輸固兮。溟効濡。於是禮備樂成。整車
而旋。萬類環極。端門闕天。賞出千庾。恩流百川。北包大壤。南
盡島蠻。西越流沙。東窮海壖。令未脫口。雷運風傳。野無窮人。
獄無宿愆。破械解縲。負帛囊錢。車反其舍。士復其伍。効技呈
亦。千鏡萬鼓。天子舉酒以屬群公。咸曰休哉。天子之功。系曰
於穆聖主。建皇極兮。嚴恭精禋。帝來格兮。柔祇並位。儼牲璧

兮。文祖右坐。臨有赫兮。於惟祖宗。有常則兮。諱兵畏刑。後貨
食兮。政有損益。茲不易兮。帝則鑒之。戩穀錫兮。兢兢業業。日
一日兮。三載一祀。年萬億兮。

齊居賦

張文潛

仲夏之月。陰氣始至。陽既盛而初剝。陰浸亨而用事。水伏畏
涸。火燎方熾。其於人也。心實過炎。而賢受其弊。惟人之生。受
命在子。推卦曰坎。於行為水。微陽所潛。元氣之始。故火甚烈
則正氣或因。而衰則水受害者。君子之所深畏。於是屏事燕
息。滌慮齊居。既靜事以無形。又遠眺而高居。却紛華而弗陳
與。淡泊乎為徒。絕嗜空慾。愛精吝神。聲色不御。滋味弗親。冲
然與和。俱遊湛兮。以道合真。故能體強志寧。愉樂壽考。遠去
疾厲。保此難老。嗚呼。苟能推此。以盡道考。此以察物。則豈惟
齋戒以御時。宜其顛沛而勿失。且夫水炭相乘。利害交至。隕
真盜和。豈獨陰沴。道心惟微。易失難常。困於侵陵。有如微陽。
則浣心滌志。以却外垢。虛中保和。以全天君。故能涉至變而
不濡。更萬變而常存。蓋將窮年以齋居。豈特養生而善身乎。

鳴雞賦

張文潛

先生閑居學道。昧旦而興。家畜一雞。司晨而鳴。畜之既老。語
默有程。意氣武毅。被服鮮明。峩峩朱冠。丹頸玄膺。蒼距矯攬。
秀尾翹騰。奉職有恪。徐步我庭。啄粟飲水。孔肅靡爭。山川蒼
蒼。風霰宵凝。黯幽窻之沉沉。恍余夢之初驚。萬里一寂。鍾鼓
無聲。聞振衣之臚臚。忽孤奏而泠泠。委更籌之雜亂。和城角
之淒清。應雲外之鳴鴻。弔山巔之落星。歌三終而復寂。夜五
分而既更。萬境皆作。車運馬行。先生杖屨而出。觀大明之東

生。

雨望賦

張文潛

淡海天之蒼茫。觀驟雨之滂霈。飄風擊而雲奔。曠萬里而一
蔽。卒然如百萬之卒。赴敵驟戰。車旗崩騰。而矢石亂至也。
已而餘飄既定。盛怒已泄。雲遂逐而散歸。縱橫委乎天末。又
如戰勝之兵。整旗就隊。徐馳而回歸兮。杳然惟見夫川平而
野濶。夫雲霞風月之容。雷雨電雹之變。非巧力之能為。蓋入
間之絕觀。必也登雄樓傑閣之崢嶸。憑高山巨海之空曠。徹
除耳目之障蔽。而後能窮極變化之奇狀。嗟我居之卑湫兮。
束視聽於尋丈。顧所欲之莫得兮。徒臨風而惆悵。

鳴蛙賦

張文潛

夏雨初止。積潦過尺。有蛙百千。更跳互出。幸此新霽。夜月清
溢。我勞其休。歸偃於室。于時蛙鳴。若嘯若啼。若訴若歌。若
若悲。若喜而語。若怒而詬。若噉而嘔。若咽而嗽。瘖者之呼。吃
者之鬪。或急或緩。或清或濁。若羣絲野鼓。雜亂無節兮。又似
夫變歌療語。詭怪之迭作也。爾其困於泥潦。失其所處而悲。
又若夫早暵既久。得其所處而樂也。爰有童子。持燭來謁曰。
蛙群夜鳴。君寢其聒。考之周官。洒灰駟蛤。君其教之。余得盡
殺。余童子爾無是酷。爾樂而歌。而哀則哭。哭則悲。嗟樂有聲
曲。聚語群爭。引吭而呼。一日之間。不寧頃臯。蛙不汝嫌。汝
奚蛙誅。萬物一府。誰好誰惡。爾奚自私。己厚蛙薄。參通彼己。
樂我自然。弭爾怒心。置燭而眠。夜半張子。援枕而吁。顧謂童
子。記吾言歟。前言未究。請卒吾說。物各有時。夫誰敢遏。爾觀
夫春露初霽。朝華始敷。文羽清喙。飛鳴自如。若奏琴箏。而和

笙竽清耳悅心。聽者為娛。及夫陽春既徂。炎火將極。惡草蕃
遮。淫潦潑積。蛙於此時。生養蕃息。跳梁號呼。意氣橫逸。予如
之何。時不可逆。時乎時乎。美惡皆然。當其盛時。誰得而遷。及
其雪霜既降。木實草衰。蠅聚蚊孽。無所施。於是比蛙歛吻。
收足。虺然土中。一聲不出。黨散巢披。不可終日。盛不可常。
與衰迭來。予姑忍之。奚以殺為哉。

哀伯牙賦

張文潛

伯牙鼓琴。後世無如。我哀伯牙。似智而愚。天地之間。四方萬
里。知爾琴者。一人而已。鍾子既死。其一又亡。欲彈無聽。泣涕
浪浪。已奏已聞。欲語不可。幅塞滿懷。無所傾寫。折揚黃華。夫
歌里曲。入邑娛色。八國悅國。回視伯牙。面有矜色。夫操琴伎
子。子其無與。而甯耻者。乃身安而獲利。則亦安知夫至藝之
非禍。而庸工之非祉也。嗟夫。將為至巧者。必無顧於終身之
無與。則至巧之於人。乃不祥之上器。操不祥之器。終身而不
知。則伯牙者。乃後世之深戒。

蜘蛛賦

張文潛

魚遊假淵。鳥棲求木。而我所宅。獨取諸腹。巢于墻屋。人不予
取。朝蠅暮蚊。食人所惡。彼殘物所養。而無益於世。雖名人兮。
斯蟲是愧。

燔薪賦

張文潛

歲暮苦寒。烈風不休。先生家貧。衣無重裘。讀書夜闌。爐炭已
灰。先生瑟縮。凄然不怡。顧謂童子。與薪皆來。童子曰。是薪也。
陳之壁間。自春徂冬。風日所燠。埃塵所蒙。固瀋液之乾竭。朽

外槁而中空。唯利從燔。無所獻功。與火相得。赫然大烘。堅枿
勁節。久而後燃。復群枯而効枝。又熒熒而不煙。於是先生欣
然環坐。皆喜。或裸股出足。或引手張臂。窮谷蕭條。薪炭如土。
蓋取之而不竭。顧此樂之甚富。又何必琴材脩直。獸形攫搏。
漢壁之椒。効暖魏宮之金。辟寒。誰知空山寒夜之叟。敢傲温
於狐貉之前。

求志賦

晁無咎

名補之。舞野人。禮部郎中。

幼余不自知。意兮願求古人。而與之遊。高平邑於大野兮。魯
東鄙而北鄒。固余心其悃款兮。求前聖又不遠。豈無鄰莫可
與謀兮。治邴氏而俗泮。幽離房誠不忍兮。弃此而莫能歲執
徐之青陽兮。余先子兮東征。橫武林之大江兮。睢旺始寧之
南邑。路會稽以周流兮。求歷山之所在。昔封囑之世守兮。以

後夫而致刑。越懲耻於夫椒兮。進樵女而抑心。懿二臣以國
霸兮。卒焉異夫出處。行東薪而自言兮。妻不忍而求去。助申
威於司馬兮。卒頌聲以淮南。雖許死於婆娑兮。悲約之亦殲。
彼章程之詭嘯兮。既聘貽於甲夜。何仲御之清激兮。而亦云
駭夫觀者。紛回穴其莫識兮。泮千載而迹陳。思崑山猶若茲
兮。又何悲乎曲水。惟鄭公之志約兮。逢神人焉靡求。山嶧嶧
而谷紆兮。風瀏瀏乎旦莫。耿吾何不可留此土兮。切悲越人
之機。豈其食鮭而化音兮。無所用吾之綏。冬矇矇其多雨兮。
夏瘴熱以生蟲。溪水之淺深兮。舟上下而擊石。吾遵夏蓋之
山兮。聊以觀乎遠海。吾先子之初服兮。羞董道而不改。小人
之有心兮。猶不假器末。余從於東安兮。依哲人而聞誼。蜀蘇
子之有屨兮。漢遺化而多儒。往者其不可及兮。曷不從子之

廬朝余食兮山中。夕余宿乎江上。悲世俗之近市兮。余安能
忍而與之皆往。余令樓季為右兮。使王良前余。世解轡而馳
石兮。緬余得此坦塗。良吾輒使環瀆舳兮。密吾牙使撲屬攬
九州而顧恤。夫安知余力之不足。邁余生之難憫兮。歸將
母乎故都。伏里門而畏鄰兮。幽獨守此四隅。時命大繆兮。吾
遑遑欲何之。慨永夏之宜養。霜蔓然其萃之。增歎歎以啜泣
兮。殺身其安可。宇摧榮而藩穴兮。雀鼠去而不舍。惜四序之
不淹兮。春謁謁其既菲。攬升木猶若茲兮。吾獨不聊此時。悲
予仲之婉變兮。饒其心以詩禮。吾不能操贏而坐閭兮。耘東
山而自食。歲旱暵而不雨兮。螟又生余之場。屬歲秋之有穀
兮。河出墳而湯湯。於陵子之終楸兮。井上李其猶飽。服芬芬
而繫腹兮。夫豈不足以忘老。衆虎豸而好朝兮。咸得時而的
蹠。持衣裳而驚暑兮。余固知余賈之不營。思遐舉而莫從兮。
心紆軫而盡傷。訊黃石以吉凶兮。暴木三而星羅。曰由小基
大兮。何有顛沛。既非初志之敢期兮。曾何歎知其所繫。類清
濟以去垢兮。芝九莖而為華。宵倚盈而悲菴兮。疇獨憂余之
無家。蕭苑候之慷慨兮。孰云非食之故。濟瀆淵之靈津兮。橫
中流而颯怒。思城闕之挑達兮。勉踵夫昔。豈公羿之志於殼
兮。亦反求夫諸身。小人不知學禮兮。畏罪罟之所尋。宋七世
之炳靈兮。皇純佑此下土。舉賢而授能兮。哀榮獨此黎庶。牧
羊而肥兮。式亦用而有聞。辟雍之洋洋兮。宇干日而糾紛。連
帶以成雲兮。汗而為雨。豈余不足於同門兮。獨惆悵而延佇。
先事而後得兮。惟其食者之費。舉九鼎於鯢淵兮。亦入假夫
一臂。余張子之好修兮。寒博大而無朋。雪霏而宇凍兮。松栢

不改其青。固黃子嘗語余兮。曰此是爲明月。雖工師不以佩兮。得厥美亦未艾。彼嗟嗟爲已甚兮。羌浮石而沉木。子雲之好思兮。亦衆諄其寂寞。虞氏之爲政兮。舉五臣而與言。彼霰霖之射谷兮。何足容江潭之顛。衆不察余之情兮。求余初猶未沫。超孤舉而遠尋兮。唯夫不足以論世。良相韓而成漢兮。皓保惠而悟高。成功則去兮。曾何足以介其一毛。融躬行既卒。驕兮。禹服義亦太靡。陳輜車與乘馬兮。桓榮亦首乎富貴。藩居室以不理兮。滂之志以四海。允膺之激烈兮。羌不以生而害義。意豈弟神所擬兮。固何以罹此不祥。豈其莫忍鄰之粹兮。紛救鬪而得傷。嘉林宗之善裁。要成敗而不失寧。導不知時之可爲兮。行漁瀨以畢世。喟嵇康之蹈盡兮。愧孫子其安補。阮清舌而咎目兮。遂以自識而遠去。謂道不可爲兮。爲者敗之。衆惇然咸不留兮。惟至人焉在之。泮干祀而語鄰兮。孰與至人之服。意神龍之乘雲兮。吾欲從焉以足。士生各有遇兮。吾何爲侘傺兮。此時曾藿叔不足以化兮。求余身其庶幾。滋蘭以旨蓄兮。菊以爲糗。脩忠信以抑躁兮。夫安知余之後圖。前聖吾永賴兮。攢首子與並輿。時翱翔於道。與兮。歷年歲以爲娛。

北渚亭賦

晁無咎

登爽丘之故墟兮。睇岱宗之獨立。根旁礴而維坤兮。支扶踈而走隰。蹈琅邪與鉅野兮。梁清濟而北出。前淡漫而將屯兮。後推唯其相襲。圯者危者。嶧者垣者。巖峯嶺者。障魯屏齊。曰惟歷山或肺附之。箕拱環連勢。厓絕而脉泄兮。萬源發於其間。谷射沙出。浸淫渠戩。澆滂汨泌。澎淖激滴。忽漢起而成川。經

營一國其利汾澮防爲井沼壅爲碓磳得平而肆迺澆漾而滂沛經民間而貫府舍兮瀦爲池之千畝惟守之居而巖背阻。魏闔閭之遺址兮肇嘉名乎北渚悲經始之幾何兮牛羊牧而宇顛非境勝之爲難兮善擇勝之爲難嘗試觀夫其園千章之萩合抱之楊立而成阡躋歷下之岌堯望南山之孱顏脩幹大枝出欄造天貌矧岫之蔽虧乍髣髴其雲煙思僊人之樓居尚輕舉而高翻盍駕言其北游登斯渚而盤桓罔密忽其翔舞萩楊眇以如箸撫千里於一瞬收城乎環堵其下陂湖汙漫葭蘆無畔菱荷荇藻蘅荃杜蘅衆物居之浩若焯海歲秋八月草木始衰乃命曾罍觀魚其睚是鳴根四合方舟順涯鱉鯉窘乎深塘兮鴻鴈起於中沚復有桂舫蘭柁浮游其中榜歌流唱自西徂東纖餌投隈微鱗掛空客顧而嬉傾玉倒鍾明月出於缺嶺夕陽眇其微紅天耿耿而公高夜寥寥其方中駭河漢之衝波披海岱之冷風恐此樂之難留兮願乘槎乎星渚期韓終與偁佺兮乘芝英乎瑤圃庶忘老而遺死兮路漫漫其脩阻於具酒酣太息中座語客曰自昔太公奄有此丘是征五侯桓公用之攘狄尊周方其盛時山河十二號稱東秦臨菑邀樂十具五民秋田青丘實囿海濱而薺又其小邑也區區之賦食三千人其疆孰與比哉觀華不注竭其孤嶽魚虎牙桀立天蓉菡萏尚想三周追奔執鞶下車取飲僅以身免困責質於蕭同尚何私乎紀羸而齊自是亦不競矣夸奪勢窮雖疆安在事以日遷而山不改則物之可樂固不可得而留也認而有之來不可持所玩無故去何必悲此齊侯之所雪涕而晏子之所竊嗤也今我與客

論古人則知迷屬有感而歎歎豈不重惑也哉仕如行賈孰非逆旅託生理於四方固朝秦而暮楚曾無必於一笑尚何知乎千古於是客輒然喜再實易求而我曠然已忘昔憂使如漢孔公主人亦輒然喜受飲有之未見君子憂心忡忡既見酬客舍然大笑

公生明律賦 許安世

事欲無礙心宜盡公既守正以宅志遂生明而在躬祛一意之黨備不私乎物照百為之情偽罔汨於中若夫外交事變之繁中固心誠之守以謂虛已鑒物則枉直昭晰挾情適事則是非紛糾欲庶理之皆辨松至公而則不中立不倚始持

正於群倫旁燭無疆遂致明於萬有無陂無側不阿不偏非妄惡也惡其衆之所棄非作好也好其衆之所賢蓋依違牽制者固已去矣則明白洞達者乃其自然百志惟寧居絕傾邪之漸五綦不亂遂觀昭曠之先蓋夫智因室而後昏性以私而有黨愛憎既絕則真偽必審取捨既平則善惡不爽抱純正以中執涵機靈而內養所以主心善治湯無蔽寒之憂直道欽承文有照臨之廣豈不以湛靜者人之性偏闇者性之情知靜為本故虛之則定知闇為害故去之則明正厥心官始閑邪而制物發為智燭終迪哲以通誠大抵處有累之地者莫不徇私對無窮之變者鮮能不惑凡適理以非眩由秉心之自克得不保守天質蹈行聖則周而不比無一曲之蔽情靜之徐清有三知之入德因知心乃物之鑒公為職之

衡係吝既屏純明自生以之察已則事至不惑推而成務則物來敢名是故君子養源乎以致忠邪之判大人正己豈徒無諂愬之行嗟夫有為者易失其本心無憚者或迷於至理故任文黨與以醜正恭顯庸回而嫉士智尚昧於自保識敢期於遠視惟夫以公正為心明則生矣

智若禹之行水律賦

孔毅父

名平仲文仲之弟為戶部郎

古有大智中潛至明何行水以為喻蓋存心之自誠淵然翔物之謀敏而外發沛若決川之勢順以東傾夫惟靈萬類而生毓五常之粹不滯於物其端曰智然順其故則不致於交諂悖其本則浸成於大偽居惟適正委美質之自然舉若下鴻指安流於無事審利圖害籌安計危蘊千慮以無惑包萬殊而不遺每優游而處此不汨亂以行之內畜清明陶天真而去詐遠佞疏鑿適地勢以流卑湛然恬養於中廓然識周於外不滌源而滌性之垢不治水而治情之害較遠無間成功亦大可通塞壅順意表以彌綸如決懷襄貫地中而滂沛大抵多計者流於機巧好辨者溺於空虛其弊明甚惟人戒歟故我抱靈鑿以無隱導沉幾而自如心常惡其鑿也勢若排而注諸舜以是而察邇言聰明並決堯因之而急先務障蔽皆除夫運至計以利仁紹徽謀於平土德一也何獨議乎智人一也何獨尊乎禹蓋智之於物兮必順適其理而禹之於水兮亦疏導其苦苟能此道宜效臯陶之謨一失其原或謂白圭之愈後世蘇張之辯勝莊老之道鳴其耀才者或寵愚而不正其矯枉者又絕聖以無營皆與性以相戾譬濬川而逆行亦猶戕柳以為之樗並非其質樞苗而助之長反害

其生噫喻玉瑩者楚有屈平佯譽龜者秦聞擣里或以易變而貽誚或以不知而爲耻皆莫若順其性以行焉所謂智者樂水。

周以宗強律賦 沈初

古之建國制莫如周盛宗枝而作庇強王室以承休治尚以文重恩親於同姓世緜其祚大形勢於諸侯自昔后稷開基公劉經始盛德物被豐功世美文武大其業成康繼其軌奚永永以能然蓋親親而得以任先宗子協旨夾輔之勲本固王家益植太平之趾天邑中奠侯封外崇大邦小邦兮我所錫壤伯父叔父兮汝其懋功鞏國勢於寢盛粹民風於大同膺木德以當天王旨以永法轄星而建屏邦本其隆有袞服以華其躬有金路以優其命寶玉分賜朕膳均慶所以等異諸臣恩先庶姓史稱乃德盛陳過曆之期詩大其功茂著維城之詠豈無異姓與之翊昌豈無列辟與之贊襄推本而治尚親則強故蒼籙之興起始諸姬而阜康忠厚一時重本枝而相輔儀刑百世壯基緒於重光至如魯衛之所分邢茅之所附衆列邦壤一寧國祚歸然盤石之安屹然寶鼎之措無煩兵革坐收禦侮之功不假山河自得爲藩之固譬夫木之殖枝茂者幹必大水之委源深者流必長繫爾列辟輔予一王秦室寢微蓋削五侯之壤漢邦未善徒恢七國之疆盛哉本本之扶持承承之操術國五十分比如犬牙之制年七百兮緜如瓜瓠之實方今宗也盛而國也強跨基圖於周室。

佚道使民律賦 林希

古者善政陶民上安行於佚道下無憚於勞身教思有

原得樂趨於田比民居之為之食法既樂其生率歡嬉有終趨時也如足王民之用厚而無役之所以奉其已利之然後知其佚仰有以供其祭祀俯足以寧其家室穀播其始化同幽俗之深壤擊而歌野有堯民之質俾爾晝出于塾俾爾宵索其絢無力役以奪其節無賦歛以為之搔曾動作之敢息由醇醲之所陶驅於足用之原安而服業晷厥終身之養樂以忘勞大抵強民者難使從利眾者久益慕及充其口腹之欲由竭其手足之故汝業既畢

汝居既固為之一日之蜡怠心已忘優爾三時之農收功有素然則于于其處皞皞其趨俾常產之各得顧閑民之舉無治貴優游農者願耕耘於野俗相廉遜老而不負戴於塗噫哉其用者其政神厚其本者其民愿化而不示其迹勞而不知其困斯道也養生送死無憾焉何有於怨

王道正則百川理律賦

江衍

物格大順化由至公本一道以持正致百川而會通庶政修明端若承天之意眾流相應沛然行地之中嘗聞宰物之工提平在聖大而覆載者既輔相以德廣而融結者皆管攝以政故彼災祥繫乎邪正惟王有歸往之義蓋在為公而水存平準之稱遂皆得性何則明審刑罰持循紀綱宣聰明而作后一好惡以遵王執此之政兮堅若金石行此之令兮信如

陰陽有猷有為。屏邪心於黨附。或源或委。暢柔德於靈長。由是溫洛効珍。滎河薦祉。若江漢焉。莫不歸其潤。若畎澮焉。莫不循其理。民自絕於昏墊。物大蒙於豐美。坦周人之砥道。率履大中。協夏后之神功。救寧降水。豈非德之隆者。高深遠近。而必及道之公者。徧覆包含。而不偏博。既通於化育。幽遂達於淵泉。上廣堯仁。有既陂之九澤。下殊幽暴。無皆震之三川。况夫中和發於聖誠。精稷交於神造。萬物之類。尚率育而摠摠。五行之本。宜分流而浩浩。平康在治。茲咸叙於彝倫。脉絡交通。遂安行於故道。向若所持悖繆。所向阿私。或盛外冢之寵。或簡宗廟之儀。害既作矣。時將殆而。白馬沉而福益遠。金堤塞而民已疲。是以雅什貽譏。蓋念沸騰之失。漢臣建白。重興涌溢之悲。殊不知水之為功。物資其澤。以之浸潤也。其功倍以之灌概也。其利百然。而疏導則莫勝其勞。壅塞則悉罹其厄。惟王道公正而不頗。自然順適。

黃樓賦 秦少游名觀高郵人國史編補

唯黃樓之瓌瑋兮。冠雉堞之左方。挾光晷以橫出兮。干雲氣而上征。既要眇以有度兮。又洞達而無旁。斥丹雘而不御兮。爰取法於中央。列千山而環峙兮。交二水而旁奔。罔陵奮其攫擊兮。谿谷效其吐吞。覽形勢之四塞兮。識諸雄之所存。意天作以遺公兮。慰平日之憂勤。繫大河之初決兮。狂流漫而指天。御扶搖以東下兮。紛萬馬而爭前。象罔出而侮人兮。螭登過而垂涎。微精誠之所貫兮。幾孤墉之不全。偷朝夕以昧遠兮。回前識之所羞。慮異日之或然兮。復壓之以茲樓。時不可以驟得兮。姑從容以浮遊。儻登臨之信美兮。又何必乎故

文蔚類稿卷四下 二十五

立觴酒醪以爲壽兮。旅穀核以爲儀。儼雲霄以爲侍兮。笑言樂而忘時。發哀彈與豪吹兮。飛鳥起而參差。悵所思之遲暮兮。綴明月而成詞。噫變故之相詭兮。道傳馬之更馳。昔何負而違遽兮。今何暇而遨嬉。豈造物之莫詔兮。惟元元之自貶。將苦逸之有數兮。疇工拙之能爲。躋哲人之知其故兮。蹈夷險而皆宜。視蚊虻之過前兮。曾不介乎心思。正余冠之崔嵬兮。服余佩之焜煌。從公於樓兮。聊裴回以倘佯。

湯泉賦

秦少游

大江之濱。東城之野。有泉出焉。直回峰。負深谷。分埒引源。逆漚相屬。晨夜有聲。淫雲注玉。薄爲虎鬚。狀爲魚目。鱗介莫潛。遇者斯浴。此何水也。哉。野老告余曰。泓泓涓涓。莫虞歲年。不火而燠。其名湯泉。嗚呼。豈非熒惑莅於上耶。燭龍隱於中耶。

下泉即池。日御之所經耶。幽精沉魄。陰償其負耶。丹砂黃泥。郊回入氣。酷悍之所激耶。德有常仁。惠公而決寒。凝海兮不令。平焦山兮不竭。其或燥濕外干。精氣散越。膚革瘡瘍。億筋濡血。欣澗汨之斲游。恍幽憂之永脫。以沐則髮澤。以頽則則膚悅。其羨流冗浸。捐垂於溝壑者。猶能灌蔬稻之畦。已牛馬之喝。此又何其然耶。吾聞天下之水。厥類寔繁。至於弱水。儲陰。投羽必沉。火井萃陽。爛石灼金。祥標醴泉。病飲而瘳。異紀滋穴。神漢音以流。焦溪之苜蓿之餽。沸潭謝聲取之游。其餘酒墨所發。膠盞是滋。噉懷一金。飲狂一國。袞王乳以中涵。橫金絲而徑度。詭品繆名。紛莫爲數。咸受命於元精。亦各私其所遇。若夫匡廬汝水之旁。尉氏驪山之下。煙霏掩辱。王孫烏隼之所娛。金穴椒房。專寵靡蔓之所占。則湯泉之中。又有顯

晦者焉野老忻然而笑曰善乎齊給之士曳杖而去行歌於塗曰畢沸滂沱奮此泉兮被山阿吾唯灌沐兮不知其他

郭子儀單騎見虜律賦

秦少游

回紇入寇汾陽出征何單騎以見虜蓋臨戎而示情匹馬雄趨方傳呼而免胃諸羗駭矚我下拜以投兵方其唐祚中微胡塵內侮承范陽猖獗之亂值永泰因循之主金繒不足以塞其貪嗜豈仗不足以止其攘取雲屯三輔但分諸將之兵烏合萬群難破重圍之虜子儀乃外弛嚴備中輸至誠氣干霄而直上身按轡以徐行於是露刃者膽喪控弦者骨驚謂令公尚臨於金華想可汗未厭於寰瀛頓釋前憾來尋舊盟彼何人斯忽去幢幡之盛果吾父也敢論戈甲之精豈非事方急則宜有異謀軍既孤則難拘常法遭彼虜之悍勁屬我

師之困乏校之力則理必敗露示以誠則意當親狎所以徹衛四環去兵兩夾雖鋒無鏑邪之銳而勢有太山之壓據鞍以出若葉擒虎之總失仗而驚如棄華元之甲金石至堅也以誠可動天地至大也以誠可聞烈爾熊羆之屬困乎蛇豕之群於是時也將乘驕而必敗兵不戢則將焚惟有明信乃成茂勳吐蕃由是而引歸師戢靈夏僕固於焉而暴卒禍息并汾非不知猛虎無助也受侮於狐狸神龍失水也見侵於螻蟻曷為鋒鏑之交下遽遺紀綱而不以蓋念至威無恃於張皇大智不資於詭詭遠同光武輕行銅馬之營近類曹成獨這國良之壘何若怨結不解禍連未央養威嚴於將軍之幕角技巧於勇士之場攻且攻兮天變色戰復戰兮星動芒如此則雖驍雄而必弊顧創病以何長符秦夸南伐之師坐

投泥水。新室恃北來之衆。立潰昆陽。固知精擊刺者。非為將之良。敢殺伐者。非用兵之至。况德善之身。積宜福祥之天。果故中書二十四考焉。由此而致。

送將歸賦 蔡確

昔人之言秋意也。曰若在遠行。登山臨水。送將歸。此其平日游子之所悲。然慕悽愴。尚不能自支。而况於予乎。戀高堂之慈愛。積三歲之違離。余親屬子以待我行。且復命於庭闈。其送子也。乃在粵嶺之南。溟海之西。洗亭之側。瀘水之湄。出門蹣躑。以將別。仰天涕泣之交頤。浮雲為我變色。行路為我齟咨。而况於予乎。予方省愆念咎。藿食布衣。髮如秋霜。形如槁枝。子見吾親。勿以告之。明明二聖。仁如天也。雷霆雨露。固有明也。孤臣放逐。久當憐也。晨夕定省。歸可期也。子告吾親。其以斯也。居乎天下之險處。乎人跡之稀。觸氛霧以采入。仗忠信而不疑。以余之故而兩走乎萬里。嗟如子者。其誰周楚之郊。余親所接。瞻彼白雲。予留子馳。安得借翰於鴻鵠。徑從子而奮飛也。

天下為一家賦

呂和叔名大鈞左僕射六忠之弟

古之所謂天下為一家者。盡日月所照以度地。極舟車所至。以畫疆。以八荒之際為蕃衛。以九州之限為垣墻。列國則群子之舍。王畿則主人之堂。凡民之賢而不可遠者。皆我之父兄。保傅。愚而不可棄者。皆我之幼稚。獲臧。理其財。乃上所以養下之道。分責之事。乃下所以事上之常。渾渾然一尊百長。以斟酌其教令。萬卑千幼。以奉承其紀綱。質遷有無而不知。彼我之實。損益上下而不辨公私之藏。大矣哉。外無異人。旁

無四鄰無寇賊可禦無閭里可親。一人之生喜如似續之慶。一人之死哀若功絕之倫。一人作非不可不媿亦我族之醜。一人失所不可不閔亦吾家之貧。尊賢下不肖則父教之義嘉善矜不能則母鞠之仁。朝覲會同則幼者之定省承稟。巡守聘問則長者之教督撫存。嗚呼周德既衰斯道斯屈析為十二并為六七勢不相統亂從而出。忘祖考之訓則劫奪於屢盟之時。輕骨肉之命則戰死於爭城之日。曲防遏糴以幸其災。縱謀用間以乘其失。再睽有甚於閱狄。呼墻鬪狼不離於同室。迨至秦政以強自吞。推所不愛以殘自昏。斧斤親刃其九族。塗炭自隳其一門。興阡陌而廢井田。則委貨財於盜賊之手。置郡縣而罷封建。則託婦子於羈旅之屯。貧富不均。幾臣僕其昆弟。苟簡不省。皆土直其子孫。自漢以來終亦不復。雖有王侯而不得輒預其政。雖有守令而不得久安其祿。譬之錦衣玉食。縱無所用之子。雕車良馬。委不善御之僕。門庭雖存。亦何足以統制閭門。無法則何緣而雍睦。豪彊日橫而略無鞭朴之制。單弱日困而不識襁褓之鞠。豈天理之固然。寔人謀之不足嘗聞之治亂有數。廢興有主。昔既有離。則今必有合。彼既可廢。則我亦可舉。惟盛德之難偶。故曠時而未覩。豈有待於吾君將一還於治古。

玉延賦 陳去非

吾聞陽公之田。不墾不耕。爰播盈斗。可獲連城。資陰陽之淑氣。孕天地之至精。蜿蜒赤埴之腴。煌扈白虹之英。驚山木之潤發。冒朝采之餘榮。逮百嘉之澤盡。候此玉之豐成。王公大人。方以不貪為寶。辭秦玉而陋楚珩。雖三獻其奚售。乃舉贊

於老生。老生囊中之法未試。腹內之雷久鳴。塞石鼎以自灌。搯豕腹之彭亨。春江浩其波濤。遠壑颯以松聲。俄白雲之漲谷。亂雙眼於晦明。擅人間之三絕。色味勝而香清。捧盃盃而笑領。映戶牖之新晴。斥去懶殘之芋。盡棄接輿之菁。收奇勳於景刻。七未落而體輕。凌厲八仙。掃除三彭。見蓬萊之夷路。接閭闔於初程。彼徇華之大夫。含三生之伯醜。汗之以蜂蜜。辱之以羊羹。合堂逸少之炙。同傳老儀之鯖。喚超然之至味。乃陸沉於聾盲。豈皆能於我遇。亦或卿而或烹。起援筆以三叫。馳蛇蚓以縱橫。吾何與大夫之迷疾。蓋以慰此玉之不平也。

南征賦

邢敦夫

名居實鄭州人御史邢恕子早夭

嗟予生之賤貧兮。常坎壈力而多憂。汨東西與南北兮。無畝以歸休。皇六世之十祀兮。竭來賓夫京師。奉晨昏于庭闈兮。忽十年其于茲。哀衆人之夢夢兮。蠲危以射利。驚精神於末流兮。固廉士之所耻。慕前哲之高蹈兮。臨川流而盥耳。懼離群之孤陋兮。將遠舉而復已。彼世論之糾纏兮。謂白圭爲多疵。何我公之潔清兮。亦見尤於盛時。皇命之不可淹兮。方仲春而戒行。惟甲子之良辰兮。侍安輿而南征。昔仲尼之去魯兮。車遲遲以淹留。此雖非吾之舊邦兮。猶慘慘而懷憂。賓朋肅駕而來餞兮。班豆觴於水湄。執余手以踟躕兮。不覺涕下而霑衣。駟軋軋而不能前兮。馬蕭蕭而反顧。念長路之超遠兮。恐白日之云暮。敕僕夫使整駕兮。遂奮袂而辭去。將發軔而回首兮。望國門之穹崇。唯小人之眷戀兮。情鬱結乎余衷。經土山之盤紆兮。入空谷之鴻谿。呼野曠蕩而無垠兮。榛

林蕭條而來風鹿呦呦以鳴群兮鳥嚶嚶而求友悵悵於
中野兮徒悵悵其誰咎晨脂車於諸阡兮夕稅駕于尉氏登
高丘以長嘯兮聲慷慨而凌厲想阮氏之風流兮停予車于
山椒斯人不可得而見兮寄陳迹於蓬蒿時荏苒其不淹兮
春草生兮青青群雉挾雌以高飛兮倉鷓得意而和鳴麥漸
漸以被隴兮遵微行而徂征欲淹留以容與兮心搖搖而靡
寧平原塊莽以阡靡兮迥極目乎百里獨茆茆以遠逝兮曾
不得而少止歷釣臺之故丘兮涉潁水之溱溱望周襄之蕪
城兮弔封人之圯墳魂飛揚而不反兮墓蕪穢而不治曾不
得其死所兮豈純孝之可恃蹇遭回於水濱兮日掩掩其黃
昏問捷徑於野人兮釋予馬於汝墳申旦展轉而不能寐兮
起視夜之何其僕夫告予以肅裝兮指明星而疾馳群山歲

鬼而造天兮踐羊氏之北境企余足以長望兮南路眇其方
永經昆陽之遺墟兮聊裴回而逡巡高城曲岬而特起兮雉
堞隱嶙而猶存狐貉穴處於其下兮所題胡吟嘯而成群
蒿艾蒹葭以相依兮枳棘薜其榛榛悼漢氏之絕滅兮想世
祖之中興方巨猾之滔天兮恣豺狼之噬吞肆橫行於天下
兮駭虎豹以為群伏大義而奮討兮實南土之裔孫運攬槍
而一掃兮忽電滅而無存彼百萬之貔貅兮曾一旅之莫亢
信天道之輔順兮豈人謀之不臧迄於今幾千祀兮魂魄遊
乎何鄉莫髣髴其神靈兮步徙倚而彷徨過宛葉而殞節兮
陟方城之峩峩歎羈旅之無友兮彈劔缺而浩歌覽陵阜之
參差兮實鸞熊之舊疆不修德而恃險兮曾幾何而不亡宿
上唐之候館兮聽晨雞之悲鳴濯予纓于泌水兮瞻桐栢之

歎欽飄風標怒以來東兮薄寒慘悽而中人雲漫漫以承空
兮霰雪下而續紛念佳人之阻脩兮嘆行役之多艱車陷淖
數而不進兮馬頓轡而盤踟先僕夫憔悴以懷歸兮煎章陵
而南邁奠濁醪于漢祠兮顧白水之如帶真人一去而不返
兮佳氣葱鬱而如在歷崎嶇之九邑兮涉川路之千里心澹
澹而忘食兮筋骨疲乎鞭箠唯君子之無累兮雖九夷其可
居矧神農之所宅兮土深厚而無虞誦孔氏之法言兮疾沒
世而無名就寂寞以閑處兮非予心之所憑植木蘭以為籬
兮塗申椒以為堂荃蔥披靡而盛茂兮衆香郁其芬芳優游
偃息靜以索志兮又何必歸夫故鄉

老圃賦

洪舜俞

嗟余生之刺乘甘密而即疏痛虺噴其倦游羸羸薄乎

閑居老既怯於山橋窮莫備乎澤車坐玩相牛之經閒抄種
樹之書五十步兮野園數百步兮破廬一禿翁以自樂群癡
兒而共鋤冰解寒祛霏開日舒濯濯我畦瀏瀏我渠握甲怒
長鮮茨蔚扶涉熱成趨驩然忘劬翁放鋤顧兒而言曰汝亦
知夫世有遇不遇之疏乎駕居汝釀施烈有桂椒滑有董榆
食苾薦魚芥醬且截則慈潔息且胸俱烈有桂椒滑有董榆
已多乎燧入庖犧氏之初而况織翠屠蘇殷紅毳俱鮓淋瀝
觴掌轟鍾等猩唇豹胎之鼎素齋紫駝之厨始饒成涎其
趨新中便腹而厭餘於是輦臊望風而引卻芳辛候色而應
湏頰翠茗於崑丘撥瑤穎乎方壺蔗漿盛夏而凍合萍蘼祁
寒而暖敷行以白玉奉之綠珠五侯鯖兮遜美天酥陀兮失
腴此其遇合不啻初識之機雲晚見之嚴徐也若乃岩壑樓

遲竹屋椽籬，尊擅場於秋風，空結鱸魚之思，非爭長於春兩。
未辨黃梁之炊，荻生而河豚上，橙熟而蟹整肥，指雖動而莫
訓，腹不負其幾希，已而凌寒采薇，近陽刈葵，祛萱堂背，檐芹
潤，眉饒黃獨之雪苗，筐白薤之露蕞，茗靡蕪以滌煩，醪枸杞
而補羸，冷淘煮兮槐茁，餽于鈍昆斫兮蠶滋，泣膏鈿兮電突，
飫糞火兮蹲鴟，醅糟紫薑之掌，沐醯青陳之絲，雲蒸罌粟之
乳，濤淘胡麻之糜，輪困鴟鳴之瓠，鬱屈龍蛇之芝，婆娑熊蟠
之松，鬢髮虬髯之落來，從解孕子兮梭魚，鼈解群兮樹雞，竹競
網兮稚子，蕨初拳兮小兒，以至太華之藕，黃河之菇，婆羅之
波稜，太宛之苜蓿，南越之鹿角，江東之崑蹄，與夫蜀之雞蘇，
龍鶴，椶脯，加皮，名器紛綸，色光陸離，性異溫涼，氣分玉莖，毛
擇加精，調肺而得宜，香聞爽心，味適解眉，有舉按之接敬，無
輟釜之見欺，芬芬苾苾，雜陳更進，可以甦文園之渴，療首陽
之飢，彼其石芥老而逾勁，苦笋少而已奇，焯罕有拂七之風，
菊抱幽人之姿，回睨蔓菁隨地而易質，薯蕷視入而變形，曾
不滿乎一啜，矧肯數乎惡芒勤，邪蒿臭蒜而穢萎，然是蔬也，
進不榮於珥貂，鳴玉之齒，退不蒙乎洒削，胃脯之頤，煙雲歎
薄乎夜讀之吻，風露皴蕩乎朝吟之腴，與齋鉢其爭道，食方
丈乎何期，其不遇可知已，兒拱而前，其然豈然，諸葛以姓行，
元脩以字傳，玉糝得坡老而重，銀茄為涪翁而妍，與其見賞
於肉食之鄙，孰若託名於梓存，茹之賢，蓋窮患姘名之不立，
而不患併日之食粥，達患伯學之不能行，而不患一筋之萬
錢，苟道義之信飽，飯蔬食而樂焉，翁捧腹一笑，長歌振林，皎
白駒之束芻，毋金玉兮爾音。

之會百集卷四下

三三三

宣防宮賦 劉跂

元封天子既乾封臨决河沉壁及馬慷慨悲歌河塞築宣防
之宮燕其群臣乃稱曰隤林竹兮捷音塞石菑宣防塞兮萬福
來顧盼意得詔問東方大夫樂乎朔進而跽曰君王佩乾符
安坤靈封岱岳禪云亭雷行焮馳一蹕四海力餘氣盈爰覽
德水至於人靡遺智天不愛祉石城金墉屹立亭峙則又經
廣論度棟宇裴回領略心解目覩八隅九維千門萬戶沈嚴
神麗泰帝之府於是植翠華宣靈鼉觴川流浩長歌神哉沛
君心和患去喜至無所復加可謂樂矣然臣觀之未可謂無
憂也天子愕眙不怡少焉頌曰亦有說乎朔再拜曰主臣蓋
聞六川之源發乎崑崙之神墟出陽紆與陵門道積石而沉
游包渾淪與俱逝羗輿輿北地北千里一曲萬里九折

混呼洽沕潏蕩然長波激為迅湍莽不知其幾何遂異派
而同瀾已而畧廣武循大伾轉沛轉洛積為委輸潢溢沸出
乎地上况往呀莫際其焉如粵若神禹繼道作德範圍天儀聯
絡地脉疏排淡漫鑄鑿窄岌平野其執人有安宅化鱗介為
冠冕蓋千有八石國臣曾問遺黎遵海隅縣平成之徒駭下
東光之胡蘇淵然覆輔脩若馬頰如鬲及盤以簡以絮太
史分流參匯衆折然後安翔徐回脉脉並醞紆餘衍漾縣眇
透遲虬潜蛟伏波不得興視榮光與休氣茂玉檢而金繩煥
乎三日而五色何必千歲而一清若夫群雄逐兮位隔并山
川圍兮氣弗宣託洶湧以為貨兮阻屨規屨才以自藩宗壟
連蜷龜以相售兮巨浸澆滯汨乎宛延立遮害之亭謹曰馬
之津雉堞瞰其東區脫臨其西又東北留其行又西北擊其

宣防宮賦卷四下 三十三

歸垂天之翼橫海之鱗。承墮膠葛曾不得捨榆枋而泛蹄涔。蜀劄勃鬱靡所容怒。霆擊電掣歛已脫兔。益以桃華之流。駛如乎竹箭之馭。彌滿瀕洞千里四顧。乃始伐薪石程畚。本隄插汰雞距之防。橫錄牙之木。上下連環。旁側伏闕。竹落千緇。夾樓而下。岌乎喘牛。蹶若踉馬。糗糧齊山。徒康成林。商羊鼓舞。澤門謳吟。析骸樵蘇。慘於長平之禍。累塊珠玉。埒乎水衡之藏。諒人謀之或違。將度數之適逢。今夫呼吸潮汐。關竅丘源。洲渾浮空。滄洄旁穿。井乍甘而撤舍。麥未槁而培根。何靈龜之下伏。寓三峯乎層巔。表泰紫之嵯峩。陋靈光之歸然。長封為碣。土鍵石鏑。守如峭函。葉萬不枝。然而燕雀賀而人吊。枝葉茂而本撥。財乏力屈。河且再塞。君王方且駐屬車以流觀。啓離宮而落成。却四載之乘勞。負薪之臣。舉烽賦酒。飛輪

奉牲戢長慮於一笑。起駕望而憑陵。神閑意定。澹然無營。語未既。天子數顧尚席。推几欲興。臣朝遂巡却立。不謝而退。其後館陶之役。竟如東方大夫言。

續杞菊賦 張欽夫

張子為江陵之數月。時方中春。草木敷榮。經行郡圃。意有所欣。非花柳之是問。眷杞菊之青青。爰命采掇。付之庖人。汲清泉以細烹。屏五味而不親。甘脆可口。蔚其芬馨。蓋日為之加飯。而他物幾不足以前陳。飯已捫腹得意。嘔吟。客有問者曰。異哉。先生之嗜此也。昔蘇公之在膠西。值黨禁之方興。歎齋厨之蕭條。乃覽乎草木之英。今先生當無事之時。居方伯之位。校吏奔走。頤指如意。廣厦延賓。毬場草土。清酒百壺。鼎臠俎。裁宰夫奏刀。各獻其技。顧無求而弗獲。雖醉飽其何忌。而

乃樂從夫野人之餐。豈亦下取乎葑菲。不然得無近於矯激。有同於脫粟布被者乎。張子應之曰。天壤之間。孰為正味。厚或腊毒。淡乃其至。猩唇豹胎。徒取詭異。山鮮海錯。紛糾莫計。苟滋味之或偏。在大府而成贅。極口腹之所欲。初何出於一美。惟杞與菊。中和所萃。微勁不苦。滑甘靡滯。非若他蔬善嘔走水。既瞭目而安神。復沃煩而滌穢。驗南陽於西河。又頽齡之可制。此其為功。曷可殫紀。况於膏粱之習。貧賤則廢雋永之求。不得則恚。茲隨寓之必有。雖約居而足恃。殆將與之終身。又可貽夫同志。子獨不見吾納湖之陰乎。雪銷壤肥。其茸萎蕤。與子婆娑。薄言掇之。石銚瓦甌。啜汁咀蕋。高論唐虞。詠歌書詩。嗟乎微斯物。孰同先生之歸。於是相屬而歌。殆日晏以忘飢。

南都賦

王仲粲

華陽先生與渙上公子。步于西山之隈。環于竹園之左。曰。美哉邈乎土地之沃。人物之夥也。公子喟然歎曰。先生睹斯而已。獨不聞往者之事歟。上自五帝。中接三代。下訖漢唐。目擊而可知。指陳而可喻。請為先生言之。於顯樂在睢之陽。其地則宋。其分則房。夏豫周青。秦碭漢梁。帶以忝丘之野。包以閼伯之疆。盟豬出其右。汜水更其旁。渙穀歲推。膠洙逐黃。從橫馳鷲。源分派張。過乎隕石之壑。徑乎龍丘之岡。行乎釣臺之渚。出乎穀城之塘。上接大河。通于銀漢。下達渦泗。匯于淮湘。漭漭^虎響澗^什。淼淼洋洋。張瀟瀟^薄灑灑^呼。灑灑^灑灑^灑。若乃歷華里。經灼^士陵。乘襄塢。陟貫城。傍空桐。而過沙。隨階鴻口。而升橫亭。伊高辛之帝子。主大火而修祀。馭葛伯之仇。

餉倚湯征之攸始。嘉微子之啓封。卒繼承於商氏。訪桐廬之
兩門。孰世遠而難紀。企蒙城之故邑。懷漆園之傲吏。登北岡
而遠瞰。想橋公之德懿。銘三鼎與征鉞。曾餘光之未墜。仰子
喬之颯馭。世獨尚其丘墳。臨繪水而徙倚。誦相如之高文。閱
雙廟之靈宇。欽張許之威神。忠義煥乎日月。世彌久而逾新。
英風激於萬代。如想見乎其人。觀山川人物之舊。纔得其凡
而畧之。僕固未能詳也。若宮室苑囿之盛。池沼臺榭之廣。侈
靡誇前。光輝絕後。惟梁孝王有足稱者。僕願繼其說。而先生
自覽其切焉。漢有天下。至文而昌。九族敦序。帝室以光。乃命
子武。俾侯于梁。惟梁大國。城四十餘。北限泰山之險。西界高
陽之墟。禦備東南。則九州之奧區焉。廣行沃壤。則天下之膏
腴焉。於是舍大梁之故土。卜睢陽之新都。傍濞城而連屬。起

甬道以繁紆。外廣池洫。內經郭郭。陋九筵與百堵。法上國之
規模。發小鼓以始倡。下節杆而和之。流樂府而度曲。豈餘音
之獨遺。於是乃作曜華之宮。擬阿房與林光。鬱正殿之嵒。鬱
巍然起乎中央。散彤彩而澔澔。澔澔古澔澔復煒煒以煌煌。驚虬龍
於金楹。乍矯首以騰驤。軒鳶翥於飛甍。欲乘風而下翔。歷太
階之寶砌。駢璧瑛與玉瑀。光陸離而眩目。足幾往而徜徉。旁
有曲室。後連洞房。斗窳窳。仰不見陽。列方䟽而散綺。玉
女睨而悠颺。又有宴間之館。寔曰忘憂。文章灑博。卓落瑰奇。
者萃乎其中。貢以文鹿白鶴。參以滌鄴細柳。間以連璋香璧。
綴以清管弱絲。東苑望園三百餘里。駿思駿鷲鷲。銜山鵠野
雉。守狗戴勝。鷓鴣翡翠。聲音相聞。翔翔往來。萬端鱗萃。不可
勝記。其木則檉松檉楠。欒櫟栝檀。良椹良椹檀木欄柝。欄豫章

躡馬之。躡之。不妄發。應聲而殊。鈇不虛擲。洞宵穿騰。山殫谷
盡。不然無餘。於是梁王弭節而還。客與委蛇。徘徊往來。其樂
未衰。相與賓客。復遊於鴈鷺之池。登龍艦。飛鳳蓋。鈇錦鱗。出
文貝。弋白鷗。挂黃鶴。鷓鴣下。鷓思。鷓所。鷓落。薄暮日斜。俛仰
極樂。獲獸之多。弋禽之衆。子虛之所遺。西賓之所略也。馳騁
少怠。明日乃宴于平臺。召相如。延鄒枚。綺席列。雕屏開。膾腥
脣炙。豹胎酌金漿之酎。觴縹玉之醕。吹紫鳳之簫。擊靈龜之
鼓。聆遼瀛之歌。睇巴渝之舞。又有邯鄲曼姬。燕代麗女。輕祛
靚粧。綽約媚嫵。明眸微睨。色授神予。於是衆客皆醉。頽然忘
歸。浩歌起舞。獻壽考。琪疆之詩曰。君王淵穆德。日躋間暇遊。
宴樂無涯。願千秋萬歲常與日月爭光輝。先生真噫。公子
何謂茲邪。若公子所謂重耳而輕目。榮古而陋今。膠以人物

之陳迹。炫以山川之舊經。又烏覩大宋之盛乎。夫大宋之開
基也。肇自高丘大啓土宇。創洪岳而遺億代。一巾統而超邃
古。萬國被德澤。四裔揚皇武。西邊巴蜀。東澹海。瀕視北指幽
薊。南曜朱垠。天乙七十里而興王。姬周三十世而卜宅。曾何
足云。至于祥符之際。累盛而重熙。增太山之高。俾梁父之基。
神祇安妥。日星光輝。寶符瑞應。萃乎斯時。於是巡方寓幸。亳
社動天輅。備法駕。海夷獻珍。黃雲覆野。就見百二十存問。鰥寡
明壹法度。赦宥天下。當是時也。翠華迴馭。龍旆載揚。迺瞻茲
土。如歸故鄉。觀紫氣於芒山。辨白水於南陽。酒和鶩之神翰。
揆鴻藻之天章。於是建南京。陪上國。首諸夏。作三極。對列乎
浚郊。相輝乎洛宅。頌慶洞開。歸德峻峙。若閭闔之特闡。連
娑與朽。指偉宮室之光明。仰觚稜之神麗。儉不至陋。奢不逾

侈旁立原廟。巋巋穹崇。殿實有三。一祖二宗。顯文八謨。而承武烈。彌萬祀。而無窮。觀其英豪之域。冠蓋相望。元勳舊老。五姓寔昌。齒先生之學舍。溢誦聲以洋洋。敬鄭公之碩德。仰文正之餘芳。俯浪宕之舊渠。迴伊洛之清流。醜江吳之漕粟。浮寶鷁之千舟。若乃昭仁崇禮。迴鳶祥輝。連闕帶闕。列隧通畿。萬商千賈。鱗集羽歸。星布織麗。山積瑰奇。來不可抑。往不可羈。南撩蠻而東滅貊。紛大貝與明璣。其軍旅則棘門細柳。連總百營。馭以驍將。厲以犀兵。時以蒐獮之際。陣以魚麗之形。扼一都之衝會。耀萬里之天聲。其原野則田疇彌望。不可計數。浸以曜漁之源。被以沃壤之土。舉公卿雲。荷鋤西雨。芄芄離離。禾麥稷黍。其亭館內之則有涼堂。一以增陰四合。照碧妙峯。武備道外之則有朝雨堂。一以增陰四合。照碧妙

光華宴喜。斯馬落帆芳草。柳枝之列。聯觀光與望雲。指中天之魏闕。其池沼則東西二湖。滢滢迢迢。水澄似鏡。波泛如潮。窺馴鷺於別渚。識海鴈於舊橋。爾乃金魚分鑰。玉麟剖符。命夫輔弼耆德。侍從鴻儒。鎮撫東土。保釐此都。視先王之遺民。愛風俗之安舒。乘剽繁之多裕。覺坐嘯而有餘。陟高臺而環望。悟神意之自如。臨綠水而暫止。疑放曠於江湖。若予之所舉。僅知其髣髴。十分未得其一隅。吾子徒聞孝王之遺風舊迹。不睹大宋之豐功偉烈也。徒詔梁國故墟之名。不知藝祖興王之實也。徒誇兔園之大。鴈沼之廣。不識原廟之尊。帝宮之美也。矚華故基。鞠爲茂草。孰若都城佳氣。鬱與雲翔。諸侯偕上。游宴無度。孰若天子巡狩。動靜有常。珍怪之翫。奇木異卉。孰若農夫之慶。黍稷稻粱。先生之言未終。公子屢然若驚。

惘然若醒。茫然若有所失者。既而幡然改曰。鄙哉予乎。嗟予舍近而取遠。習迷而遂非。其亦久矣。先生博我以皇道。宏我以王圻。使數十年所眩曜。釋焉無疑。僕雖不敏。請終身而誦之。先生於是作歌以遺焉。其辭曰。翼翼神都。皇祖起焉。煌煌魏闕。真人巡焉。有睟其容。三殿位焉。於萬斯年。天子明焉。

颶風賦 蘇叔黨名過東坡子也

仲秋之夕。客有叩門指雲物而告予曰。海氣甚惡。非祲非祥。斷霓歛海而北指。赤雲夾日而南翔。此颶之漸也。子盍備之。語未卒。庭戶肅然。槁葉款款。鷲鳥疾呼。怖獸辟易。忽野馬之決驟。矯退飛之六鷁。襲土囊而暴怒。掠眾竅之叱吸。予乃入室而坐。欽衽变色。客曰未也。此颶之先。駢雨必焉。排戶破牖。噴瓦碎屋。礪石。操拔喬木。勢洶激。解響振。甲帖。疑屏。

怒。執陽侯而將戮。鼓千人之濤。瀾。擊石。力之陵谷。吞涇。洑於一卷。落崩崖於再觸。列萬馬而並驚。食虎豹。龍。鯨。鯢。犇。感。類。鉅。鹿。之。戰。殷。聲。呼。之。動。地。似。昆。陽。之。役。舉。石。萬。於。一。覆。予。亦。為。之。股。慄。毛。簪。索。氣。側。足。夜。拊。榻。而。九。徙。晝。命。龜。而。三。卜。盖。三。日。而。後。息。也。父。老。來。言。酒。漿。羅。列。勞。來。僮。僕。懼。定。而。說。理。草。木。之。既。偃。軒。檻。之。已。折。補。茅。茨。之。罅。漏。塞。墻。垣。之。頽。缺。已。而。山。林。寂。然。海。波。不。興。動。者。自。止。鳴。者。自。停。湛。天。宇。之。蒼。蒼。流。孤。月。之。熒。熒。忽。悟。且。歎。莫。知。所。營。嗚。呼。小。大。出。於。相。形。憂。喜。因。於。所。遇。昔。之。耶。吹。萬。不。同。果。足。怖。耶。蟻。之。緣。也。噓。則。墜。蚋。之。集。也。呵。則。舉。夫。噓。呵。不。足。以。振。物。而。施。之。二。虫。則。甚。懼。鵬。水。擊。而。三。千。搏。扶。搖。而。九。萬。彼。視。吾。之。惴。慄。亦。爾。汝。之。相。完。均。大。塊。之。噫。氣。

奚巨細之足辨陋耳目之不廣為外物之所變且夫萬象起滅衆怪耀眩求髣髴於過目視空中之飛電則向之所謂可懼者實耶虛耶惜吾知之晚也

思子臺賦

蘇叔堂

客有自蜀游梁。縹素關而東。覽河華之形勝兮。訪秦漢之遺宮。得巋然之顏基兮。並湖城之西墉。弔漢武之暴怒兮。悼戾園之憫凶。聞父老之哀歎兮。猶有歸來望思之遺恫。吁。大臺之譏頰兮。實咀毒而銜鋒。敗趙國於俛仰兮。又將覆劉氏之宗。問漢武之多忌兮。謂左右之皆戎。殺陽石而未厭兮。又瘞禍於宮中。徧君王之好殺兮。視人命猶昆蟲。死者幾何人兮。豈問骨肉與王公。惑狂傳之淺謀兮。不忍忿忿而殺克。上曾不鑒予之無聊兮。實有承心。負此名而欲亡兮。天下其孰吾

容苟追死於泉鳩兮。冀稍久而自。遺大患於倉卒兮。懷孤憤於永已。念君老而孰。嗚兮。其多鄙。獨三老與千秋兮。懷愛君之拳拳。犯雷霆之方怒兮。消積禍於一言。洗沉寃之無告兮。戮讒人其已晚。幸曾孫之無恙兮。亦足以慰夫九原。雖築臺其何救兮。固知已矣之不諫。魂軼軼其來歸兮。蓋庶幾於復見也。昔秦之亡也。禍始於扶蘇。眇斯高之羸豕兮。視其君猶乳虎。曾續息之未定兮。乃敢探其穴而啗其雛。在晉四世。有君不惠。孽婦晨離。疆王定制。惟愍懷之遭罹兮。實追仁於漢戾。顧孱后之何知兮。亦號呼於既逝。寫餘哀於陵兮。發故臣之幽契。仍築臺以望思兮。蓋接武以自例。嗚呼。噫嘻。可弔而不可哂兮。亦各言其子也。彼茂陵之雄傑兮。係九戎而鞭百蠻。突堯禹而陋湯武兮。蓋將與黃帝俱仙。及其失

道於幾微兮，狐鬼生於左臂。如嬰兒之未孩兮，易耳目而不知。甘泉咫尺而不通兮，與式乾其何異。既上配於秦皇兮，又下比於晉惠。君子是以知狂聖之本同，而聰明之不可恃也。覽觀古初，孰哲孰愚，皆知指笑乎前人，而莫知後之視予。方漢武之盛也，肯自比於驪山之朽骨，而况於金墉之獨夫乎。自今觀之，三后一律，皆以信讒而殺子，睚眦而敗國，各築臺以寄哀信，同名而齊實。彼昏庸者，固不足告也。吾將以為明主之龜策，自達元以來，張湯主父偃之流，與兩丞相三長史之徒，皆以無罪而夷滅。一言以就誅，百無興哀於既往。一洗其無辜，獨於據也。悲歌慷慨，泣涕躑躅，嗚呼哀哉！莫有以楚靈之言告者，曰：人之愛其子也，亦如公不乎。天道好還，以德為符。惟孟德之鷙忍兮，以嗜殺以為娛。以揚公之愛，猶公豈感

吾之蒼舒，恨元化之不可作兮。然後知鼠輩之果能同越犢於晚歲兮，又何怨於老臞。吾將以嗜殺為戒也。故於末而并書。

會稽風俗賦 王龜齡名士，明永嘉人，紹興中廷對，任太子詹事，謚文忠。

有客過越，自稱子真，介于無妄先生。贊見于有君，謁入迺膝而前，曰：聞有君之名雅矣。今幸際顏色，聆話言，僕輒有請。君其聽焉。君世家于越，臣風流自命。之山川人物，古今風俗，載在君腹，願往肅容。謝曰：唯唯。客姑坐焉。吾臣州，仰瞻天文，度當斗牛。在辰為丑，自於春秋，刑於隋而使於唐。公有素而廓蠡城，而外周龍樓翼而乾峙。石竇伏而巽流，灑天門兮墜。

會稽風俗賦

卷四下

戶惟崑崙子。是伴實東南之大府。號天下之無九。其山則
鬱鬱蒼蒼。巖巖鬼鬼。磅蜿蟺。嶺由疾崢嶸。若騫若犇。若闔
若闔。或凸或凹。或自九或自都或斷而聯。或昂而低。虎卧龜
蹲。龍盤鳳徊。舒為屏障。峙為樓臺。掩映江湖。明滅雲霓。八山
中藏。千峰周回。彭鮑名存。蛾馬迹迷。鉅者南鎮。是為會稽洞。
日陽明群僊所棲。石傘如張。石帆如揚。石竇如藏。石鷄如翔。
石壁匪泥。石甕匪攜。香爐自室。煙天柱可梯。韞玉有竒。降僊
有臺。禹穴盲而巨探。葛巖蜚而自來。射堂豐凶之的。宛委日
月之珪。應天上之玉衡。直海中之蓬萊。至若嵯峨山。歸其東。金
山屹其西。阜至繇蜀。龜來自齊。梅山迺隱。更之窟。紵羅益西
子之閨。五泄爭奇於鴈蕩。四明競秀於天台。五雲中令之故
居。十峰疊翠。其之招提。故越為之首。則為之面。子沃洲天姥

所今曰兮。金庭桐栢。子居兮。南明嵌嶮。寶相湧兮。南
巖嵒峨。海跡古今。陟三秦望而望。秦兮。登洛思而思。洛兮。來葛
食載敬。弔前王兮。脩竹茂林。緬想陳迹兮。連山如珠。秦皇之
所驅兮。擘嶺山如玦。居亞父之所剖兮。北幹隱兮。明月在東。
山卧兮。白雲迷。少微寂兮。幽鳥怨。太白空兮。壑猿啼。其水則
浩淼泓澄。散漫縈迆。漲焉而天。風焉而波。淨焉如練。瑩焉如
磨。溢而為江。瀦而為湖。為沼。為汜。為潢。為污。匯罪為陂澤。疏
為溝渠。滯浸而日疇。淤而泥塗。生我稻粱。既我果蔬。集有鳧
雁。鴈戲有龜魚。實有菱芡。香有芙蓉。鷓舟如擊。馬楫如驅。船
龍夭矯。橋獸睚眦。堰限江河。津通漕輸。航甌船閩。浮鄞達吳。
浪檠風帆。千艘萬鱸。大武挽繹。律五丁謀諄。榜人奏功。千里
須臾。境絕利博。莫如鑑湖。有八百里之回環。灌九千頃之膏

於浮賀監之家。滯允常之都。人在鑑中。每行畫圖。五月清涼。
人間所無。有菱歌兮聲峭。有蓮女兮貌都。日出兮室銷。漁郎
兮嘯嘯。東泛曹江。哀彼孝娥。西觀驚濤。弔天子胥。槩浦思夫。
槩之封。翁洲訪偃。王之廬。簞醪投兮。沼吳國。扁舟去兮。交陶
朱。鼓樵風兮游若邪。與靈雪。棹兮尋隱居。楔事脩兮。觴蘭渚。
陶泓沐兮池戒珠。了谿鑿兮。禹功畢。形塘築兮。長入誅。酌非
泉兮。懷古飲清白兮。自娛。其物則有魚鹽之饒。竹箭之美。山
涵海蓄。言其有幾。貢入王室。利周遐邇。耕為日火。耨為日
水。南風翼。浪千里。把化稹駕一空。玉粒如峙。炊粳釀。林
述既甘且香。麋桑之奇。號為第一。龍精僂僂。吐絲滿室。萬
艸爭華。機軸中出。綾紗繒縠。靈積練匹。木則楓挺千丈。柞松
封五夫。桐柏合生。擦柴異隅。文梓梗。柞櫟。柞櫟。柞櫟。柞櫟。柞櫟。

合抱之株。迺斧迺斤。巨與日。盧迺有。蕭山陸吉。諸暨三如。起
栳成林。賀瓜滿區。聚貴人赤檣。腮半朱。火榷殼。玉櫻桃。薦
珠鴨。脚含黃。雞頭去虜。日益七絕之奇。雙頭四角之殊。蔗有
崑崙之號。梅有官長之子。蔓生則馬乳。蔓與土實。則皂莢。慈
菰野。軟谿毛。園蔬木菌。出湖之尊。箭里之筍。可薦可羞。采楨
無盡鱗。蟲水族。海生池。登丁首首。丙尾尾。尾。縮項赤。鱓家
文。鱧功元。鮪黃。鯨。鰲魚八。駢集。呂鈞。呂網。羹金。繪玉。不數熊
掌。能言之。鶩。善鳴之。鵝。松糊芒之。蟹。孕珠之。贏盧文。身合氏之
子。跛足從事之徒。街填世。包委與土。全多異獸。珍禽。屑銅吐綬。
猛虎負子。靈鳥送鷺。借借四。極樓鹿化。鶴拾。鴈。搏。能。罷。狸。豹。猴。攫。
縛屈猿。狖。救。鳩。銜。鷓。吐。鷺。水。鷓。鬪。鷗。浮。鷗。浴。鷗。寒。鳥。瘦。巧。婦。錐。
喙。春。鋤。雪。脰。林。棲。水。宿。明。尾。長。味。江。湖。為。籠。山。林。為。圍。呂

文翰類選卷四下 三十五

牡丹如洛。芍藥如揚。木蘭載新。海榴懷芳。鞠山黃華。蘭亭國香。天衣杜鵑。東山蒼。薇湖映香雪。鑑生水芝。省四梅並蒂。僊桂丹枝。司華騁巧。天女効奇。桃李漫山。臧獲眠視。之藥物之產。不知其名。白朮丹參。甘藷黃精。吳萸越桃。禹糧。石英薊。刺蠶之。日療疾。彭祖服之。而延齡。秦皇求之。而莫致。曷僊餌之。而飛昇。日鑄雪菜。卧龍瑞艸。瀑嶺稱僊。茗山關好。俱者爭先。建谿全蚤。碾塵飛玉。甌濤翻皓。生兩腋之清風。與。飄于蓬。刻藤番番。管城斑斑。冰鼓嶮水。竹翦顧園。製於。水祭之手。游於羲獻之間。友陳元與端紫。全文字於人。家至。龍護金書。封石刻。苗山金玉。邪董銅錫。黃帝之鑑。神禹之。歐治之劍。蔡邕之笛。虞翻之。秦皇之石。厚碑斯篆。江。蕭墨雷。銅漏梅梁。定。石。雲

金履鐵鑿銅印玉。胎艸蹄石。庚竹神木。晦迹佛老之異者。虞翻之言。有所不能盡。朱育之心。對有所不能既。予亦烏能縷數之哉。姑摘其尤之一二。前則。理。蠡計硯。號賢大夫。後則嚴助。買臣。直承明。廬孝悌。則張萬和之父子。韓靈敏之弟。昆。鄧斯。祈樊。自毀目代鼻。董黯。朱魏。魏。而名聞。或濕衣。日障火。或泣血。日戢焚。或銜哀而廬墓。或以負土。日成墳。或日行而名里。或日義而旌門。懿矣。三女。賢。二娥。處子之孝。凜然可多。節義則黃公居四皓之列。魏少英。參八雋之儔。蒙難衛主。則有若丁潭。委身授命。則有若王脩。侯喜躬。歲寒之操。孔愉。洪止。足之謀。或一門死三世之義。或一邑萃三康之。流。至若察。陽柳朱。永寧。瞿素。婦節。崢嶸。蹈死。不顧。卓行。則鄭洪。韓說。鍾離意。朱雋。戴就。舉於孝廉。虞潭。孔奐。沈融。朱仕明。舉於秀茂。

虞寄起於對策。趙擘擢於有道。陳子公退。退侵墜之藩。鍾離
牧拒勳。還之稻。循吏則有還珠。孟嘗致雁。虞國希銑。遺四州
之愛。夏香著歷任之績。儒學則王充。臣論衡。顯沈。珣。臣大義
稱謝。沉。謝。承之史學。孔僉。孔祛之明經。賀孝先。擅儒宗之號。
虞伯施。劇博學之名。文章則孫興公。揆金聲之賦。徐季海。揮
五堂之策。曄若春榮。則任。奔。虞。翔。文不加點。則四明狂客。二
賀。二虞。蜚聲籍籍。吳融。十詔。威於俄刻。隱逸則嚴。謝。秦。方。述
睿。充符。方術則介象。吳範。嚴。卿。夷。吾。丹青則孫。遇。道。芬。筆。札
則孔。琳。徐。嶠。浮屠則道。林。靈。澈。神。僊。則劉。晨。阮。肇。迺有。谿。上
浣。紗。之。女。林。間。舞。劍。之。姝。色。白。天。下。氣。雄。萬。夫。故。句。踐。復。國
也。有。六。千。君。子。項。氏。崛。起。也。有。八。千。子。弟。霸。有。江。浙。橫。行。當
代。彼。二。霸。之。得。人。尚。斗。量。而。車。載。矧。歷。世。之。人。亦。足。明。其

人。既。速。我。國。朝。光。耀。多。士。三。百。年。間。不。可。勝。紀。大。則。杜。正。獻。之
勳。德。次。則。孫。咸。敏。之。功。名。姚。夕。郎。司。元。祐。之。直。顧。內。相。號。江。南
之。英。高。巨。雲。仍。匪。建。則。慶。二。陸。棠。棣。如。雲。與。衡。吳。先。生。風。高。於
賀。老。齊。職。方。迹。擬。於。淵。明。錢。氏。世。賢。科。之。盛。史。門。繼。衣。錦。之。榮。
劉。永。呂。義。門。顯。杜。趙。呂。處。士。稱。或。覽。古。臣。不。詠。或。編。旨。而。著。名。
至。若。聯。桂。籍。焜。耀。簪。纓。名。登。史。策。足。壘。天。庭。蓋。嘗。詢。之。故。老。往
往。莫。識。其。名。矣。故。千。巖。競。秀。萬。壑。爭。流。者。顧。長。康。之。言。也。山。轉
遠。轉。高。水。轉。深。轉。清。者。李。泚。東。之。記。也。瑰。奇。市。井。佳。麗。閭。閻。者
白。餘。杭。之。詩。也。忠。臣。係。踵。孝。子。連。閭。者。虞。功。曹。之。對。也。越。之
山。川。風。物。其。大。略。如。此。子。真。始。驚。而。疑。卒。歎。而。歎。曰。壯。矣。哉。
盛。矣。哉。山。川。如。斯。人。物。如。斯。吾。未。之。前。聞。也。然。越。在。春。秋。僻
處。東。夷。夫。子。作。經。早。為。於。越。其。人。材。風。俗。固。未。可。與。齊。晉。魯

衛諸列國抗衡也。今有君所稱，幾不空口。豈管日遠於京畿，含香未越如王景興之言邪？抑山川降靈孕秀，固自有昔邪？抑亦因人作威而致然邪？有君曰：管嚴朱二子，為漢名卿，書繡故鄉，夾衛郊迎，爭觀快靚，歌豔其榮，故其俗始尚文學，而歎功名。晉王右軍為越內史，雅會蘭亭，杯觴曲水，臨池墨妙，輝映千祀，能使遺文感繫君子，故其俗始尚風流，而多翰墨之士。唐元微之一代奇才，罷侍玉皇，謫居蓬萊，賓實鄰白唱酬往來，繇是鑑湖秦望之奇益聞，故其俗至今好吟詠，而多風騷之才。不獨此數君子也。任延張霸，且尚賢為治，而俗始賢士。劉寵車後，且潔已化下，而入斯尚清第。五倫下令，而淫祀之風革。諸葛恢莅政，而陵遲之俗興。至若李唐刺史尤十八公，首有龐玉，顯有姚崇，圖圖經十子，郡績稱雄，國朝遠

百餘政，前有文簡，後有文正，題名所記，比唐為盛，承齊得人，風俗斯羨，蓋亦理之然也。子真曰：是誠有之，然皆二千石之事，爾未足多也。願聞其上者。有君曰：管句踐，徵會稽之棲也，痛石室之辱也，寥目水足，抱冰握火，采藪于山，置膽于坐，葛婦興歌，名曰何苦，其詞曰：嘗膽不苦，味若飴，令我采葛，且作絲，二十年間，焦心苦志，卒滅強吳，且雪前耻，越絕之稱，權輿於此，故其俗至今能慷慨，且復讎，隱忍且威事。若是何如？子真曰：茲霸者之事也，傳不云虜粹而王，馭而霸，彼齊威，晉文之盛，猶不足稱於大君子之門。况句踐虜，有君曰：管禹治水既畢，與群后計功，苗山更名會稽，卒而葬焉，祠廟陵寢，于今尚存，上有遺井，下有菲泉，過而飲者，莫不發免魚之歎，與河洛之思，不獨句踐有其烈，馬侯嗣其功，至今其俗勤勞

儉嗇實有禹之遺風。若是何如？子真曰：美哉禹功，宜其代舜而有天下也。游於是，夢於是，廟食於是，茲所以化被萬世之久也。然說者曰：為入聖域而未優，其必有大於此者。虜有君曰：舜生於諸馮，孟子曰：為東夷之人。歷世逾遠，汙傳失真。太史公曰：為冀州，然邪？不然，越之邑，則有上虞，餘姚。山則有虞山，歷山水，則有漁浦。三悔墜，則有姚丘百官。里焉有泉，嗇焉有竈，汲焉有井，祀焉有廟，皆其遺迹也。意者不生於是，則游於是乎？舜為人子，克諧比，二政其俗，至今烝烝是傲。舜為人臣，克盡其道，故其俗至今孳孳是蹈。舜為人兄，怨怒不蕪。故其俗至今愛而能公。舜為人君，曰天下禪，故其俗至今廉而能遜。若是何如？子真矍然離席而立，拱手而對曰：於戲！噫！嘻！盡善盡美，雖其盛德，茂有加矣。管季札觀樂而止於韶，

韶之外，不敢觀。余問風俗，亦極於舜。自舜之外，不復問矣。無妄先生粲然失笑於旁曰：固哉子真之問，有君之畬也。茲皆古之越，非今之越也。人死，骨朽，世變，風移，山川雖在，人物已非。前日淳朴，變而澆偽；前日廉遜，變而爭競；前日勤儉，變而驕怠；前日忠孝，變而凶悖。尚何執紙上陳迹，而澆澆其頰舌邪？有君曰：先生之言是也。然風俗不常美，亦不常弊。善焉惡焉，維人是繫。今朝廷駐蹕東南，越為鉅藩，密邇堯天，蓋尺五間。帝命重臣來鎮是邦，入境問俗，登堂觀風，因舜禹之遺化，明吾君之至仁，布德教於黃堂，變薄俗而還淳。矧何世之無才，亦奚有於古今？子不見夫銜命虜庭，死於王事，如陳公張公者乎？議禮靖康，赴難建炎，如華君、傅君者乎？是豈異代之人邪？又不見夫姚江陳公，所臨有聲，亦克知退身名兩祭。

卷之四下
三十九

執政李公忤意權臣老於滄落世賢其人愍孝蔡子捐生可
悲同彼旌忠廟食于茲隱吏王君斬讎著名一門可稱賢父
難兄茲固先生目所親覩也安知後之眡今不猶今之眡古
庠先生曰有君越人也知越之風俗而已矣昔子虛夸雲夢烏
有先生詫亞齊亡是公折之以上林之事今越未足侔齊楚
之大尚何足君夸之有君曰晉吳子問柳先生曰晉國之事
而柳以晉對今子真問余以越國之俗而余君越會亦各因
其所問而及之爾余豈嘗然無聞無知於越之外哉今天子
披輿墜之圖思祖宗之績求治如不及見賢而太息文德既
修武事肯閱蓋將舞干戚而服遠夷復侵疆而旋京闕余埃
其車書全南北一傲吉甫美周室賦崧高歌吉日招魯公命
元結磨蒼崖堯鉅筆頌中興紀洪烈邁三五身前謀亘天地

昭日月於是窮章亥之所步攷神禹之所別覽四海九州之
風俗掩兩京三都之著述騰萬丈之光芒有皇宋一統之賦
出回眡會稽蓋甄陶中之一物無妄先生自知失言色有餘
媿迺與子真逡巡而避有君還而寄傲於南窗有飄飄凌雲
之氣

民事堂賦

王龜齡

繫越幕有下僚兮名所寓曰民事之堂誦天語之丁寧兮銜
聖恩而不敢忘啖民脂以飽妻子兮猶雀鼠之偷大倉苟不
民事之是思兮又將奚道乎天殃嗟會稽之大府兮罹存歲
之凶荒颶風作於孟秋兮雨浸淫而異常天吳怒而江濤沸
溢兮漂廬舍而壞隄防黎盛害而歲大侵兮民餓踣而流亡
射的黑而米斛千兮頽蓼花以為糧痛瀕海之蚩蚩兮葬江

魚之腹腸予嘗告其故於前使君子。請敷奏於嚴節。願幕中
平日之辨兮。人迺斬其為狂。會伯尊之傳召兮。達民瘼於九
重。予殆有類於輦者兮。亦何恨夫言之不事。洪惟當守之至
仁兮。視赤子其如傷。獨常賦而救天雷兮。出內帑之所藏。哀
東州之無告兮。惠吾民以糶黃。左公孝而石孟博兮。相與協贊
其惟良。先撫字而後催科兮。正今日之所當。寬公私之債負
兮。以俟乎歲之豐穰。省訟牒之煩苛兮。抑蠹政之豪強。節無
用之浮費兮。俾斯民之小康。茲政事之所急兮。敢不思告乎
黃堂。至若鑑湖和及九千頃兮。日侵削而就荒。歲和買無慮
十萬緡兮。曾無一錢之償。推沽酤之利半奪於有力兮。財賦
浸以荒涼。兼并之弊熾於大族兮。編氓餒於糟糠。茲又越中
之巨害兮。姑略言其大綱。若夫民事之在天下兮。固不足以

知其詳。有一言曰。盡之兮。曰生之而不傷。擇守令兮。去姦賊。
慎勿擾兮。如牧羊。茲畎畝之倦倦兮。願入告于天王。

蓬萊閣賦

王龜齡

王子游會稽。客蓮幕。登卧龍之山。躡巨鼇之閣。秀闕千巖。不
觀萬壑。縱遠目於東州。暢幽懷於廡。寥廓于時。天高氣肅。秋
色平分。簪盃良朋。把酒論文。俯仰湖山。懷古傷今。登高賦詩。
目寫我心。周覽城闔。鱗鱗萬戶。龍吐戒珠。龜伏東武。三峰鼎
峙。列嶂屏布。艸木籠蔥。煙霏霧吐。棟宇崢嶸。舟車旁午。壯百
雉之魏垣。鎮六州而開府。東望稽山。思禹之功。喬松鬱乎故
陵。丹青儼於祠宮。藏丹書於魁穴。冰遺畫於無窮。南日秦望。
哀秦之過方鏡。石曰頌德。驕顏色曰相賀。嗟僊藥之不來。俄
腥風之已播。西望夕陽。送目蘭亭。懷王謝之風。冰感斯文。而

涕零徒觀夫茂林脩竹鎖煙靄而冥冥北望滄海渺其無涯
方吳門之畫龍視越國其如蛇轟雷鼓於一震虛吳國而成
窪此山訪麗譙之故址第見虜古木之號鷓前瞻鑑湖滿目雲
水嘉馬侯之偉績慕賀監之高軌祠荒兮遺迹半湮宅冷兮
黃冠無所徒有漁舟賈楫風帆航葦往來虜鷓鷺之鄉歎乃
虜煙波之裏仰瞻高閣蜚飛崔嵬俯瞰州宅緬懷高才百無
時之屏障家終日之樓臺長湖山之價於几席之上惜斯人
之安在哉言未畢客有指斯閣而謂予曰子亦知夫閣之所
以得名者虜蓋始於元和才子也臣王皇家吏之尊擁旌麾
於千里也蓬萊隔弱水三萬里臣筆力坐移於是也齊名有
白從事有華胷中有萬頃之湖真一代之奇偉也詩章一出
遂能發秦望之精神增鑑湖之風采蘭亭絕唱亘古今而莫
擬也子亦讀夫才子之傳否乎姑問訊其從何而來集乎彼
而至于此也才子之才固足以起吾子數百年之聳慕才子
之所臣獲侍玉皇者亦吾子之所喜攻而深耻也夫何惜之
有予於是引客之手揚袂而起言契予心諾諾唯唯有是哉
有是哉斯人也而至於斯也尚忍言之哉俄而鼓角作於人
間明月出於林端妙三弄之梅花爛十分之銀盤醕一觴而
籠若有妬乎嬋娟倚危闌而感槩覺興盡而思旋矣於是相
與啜茗於清白之堂漱齒於清白之泉閱唐宋之題名終夕
爲之慨然嗚噓噫嘻死者可作吾誰與歸其無出乎文正范
公之賢

感春賦

朱中晦

名熹發源人煥章閣待
制封徽國公號晦庵

觸世塗之幽險兮。覽余轡其安之。慨埋輪而繫馬兮。指故山
以為期。仰皇鑒之昭明兮。眷余衷其猶未替。抑重巽於既申
兮。徇耕野之初志。自余之既還歸兮。畢葺英而發春。潛林廬
以靜處兮。閤蓬戶其無人。披塵編以三復兮。悟往哲之明訓。
嗒掩卷以忘言兮。納遐情於方寸。朝吾徒履而歌商兮。夕又
賡之以清琴。夫何千載之遙遙兮。乃獨有會於余心。忍嚶鳴
其悅豫兮。仰庭柯之葱蒨。悼芳月之既徂兮。思美人而不見。
彼美人之脩嫿兮。超獨處乎明光。結丹霞以為綬兮。佩明月
而為璫。佳辰之不可再兮。懷德音之不可忘。樂洛吾之樂洛
兮。誠不可以終極。憂予之憂兮。孰知吾心之永傷。

白鹿洞賦

朱仲晦

承后皇之嘉惠。宅廬阜之南。薑閔原田之告病。惕農扈之非

良。粵冬孟之既望。夙余駕乎山之塘。徑北原以東。騫陟李氏
之崇岡。揆厥號之所繇。得頽址於榛荒。曰昔山人之隱處。至
今永久而流芳。自昇元之有土。始變塾而為庠。儼衣冠而弦
誦。紛濟濟而洋洋。在叔季之且然。矧休明之景運。望穆穆以
當天。一軌文而來混。念敦篤於化原。乃搜剔乎遺遯。貯黃卷
以置郵。廣青衿之疑問。樂菁莪之長育。拔雋髦而登進。逮繼照
于咸平。又增修而罔倦。旋錫冕以華其歸琛。亦肯堂而詒孫。
悵茂草於熙寧。尚茲今其奚論。天既啓予以堂壇。友又訂予
以冊書。謂此前修之逸迹。復關我聖之宏撫。亦既震于余衷。
乃謀度而咨諏。尹悉心以綱紀。吏竭感而奔趨。士釋經而敦
事。工殫巧而獻音。曾日月之幾何。屹復屋之渠渠。山葱蘢而
遶舍。水汨瀟而循除。諒昔人之樂此。羗異世而同符。漳章甫

之我我抱遺經而來集。豈顯眺之為娛。實宮牆之可入。愧余
修之不敏。何子望之能給。矧道體之無窮。又豈一言之可緝。
請姑誦其昔聞。庶有開於時習。曰明誠其兩進。抑敬義其偕
立。允莘摯之所懷。謹巷顏之攸執。彼青紫之勢榮。亦何心於
俛拾。亂曰。澗水觸石。鏘鳴璆兮。山木奉尊。枝相樛兮。彼歲以
脩息。且游兮。德崇業茂。聖澤流兮。往者弗及。余心憂兮。來者
有繼。我將焉求兮。

空同賦

朱仲晦

何孟秋之玄夜兮。心慘戾而弗怡。偃予軀之既寧兮。神杳杳
兮。寒闔雲屋掩而弗扃兮。壁帶耿而夜光。宕予鬼而不得視
兮。悵竚立其怔營。靈脩顧予而一笑兮。權並坐之從容。寐將
分而不忍兮。旦欲往而焉從。眷予衷之廓落兮。奄愁結而增
忡。超吾升彼崑崙兮。路脩遠而焉窮。忽憑危以臨睨兮。歲廣
寒與閔平風。信真際之明融兮。又何必懷此夢也。矢予詞以
自寫兮。蓋將反予旃乎空同。

遂初堂賦

張敬夫名棡

號南軒先生官至秘閣備撰

皇降衷于下民兮。粵惟其常。猗歟穆而難名兮。維生之良。翕
衆美而具存兮。不顯其光。彼孩提而知愛親兮。豈外鑠繫中
歲。年燁燁而寢長兮。紛事物之交相。非元聖之生知兮。懼日
遠而日忘。緣氣稟之所偏兮。橫流始夫濫觴。感以動兮。不止
乃厥初之或戕。既志帥之莫御。氣決驟以翱翔。六情放而曷
禦。百骸弛而莫強。自青陽而逆旅。暨黃髮以茫茫。儻矍然於
中道。盍反求於厥初。厥初伊何。夫豈遠歟。彼匍匐以向井。我
惻隱之拳如。驗端倪之所發。識大體之權輿。如寐而聰。如迷

而途知曉視之匪遐乃本心之不渝嗚呼予既知其然乎子
惟以遂之若火始然而泉始達兮惟不息以終之予視兮毋
流予聽兮毋從予言兮毋易予動兮以躬惟日反兮于理
茲日新兮不窮逮克實而輝光信天資而本同極存神而過
化百萬言而常通嗚呼此義文之所謂復而顏氏之所謂為
萬世道學之宗歟

此君軒賦

揚廷秀名萬昱吉水人江東轉運使贈光祿大夫

客有問於清虛子曰昔者子猷愛竹字之曰君謂此君一日
之不可無古之知竹者未有若子猷之勤者歟清虛子曰子
猷可謂愛竹矣知竹則未也古之知竹者其惟吾夫子乎蓋
嘗聞之夫子適衛公孫青僕子在淇周有風動竹聞蕭瑟團
樂之聲欣然忘味三月不肉顧謂青曰人不肉則瘠不竹則

俗汝知

玉吾乃今知竹之所以用武公之所以盛也蓋君子於竹比

德焉汝視其節凜然而孤也所謂直哉文魚邦有道如矢者
歟汝視其貌欣然而癯也所謂伯夷叔齊餓于首陽之下民
到于今稱之者歟汝視其中洞然而虛也所謂回也其庶乎
屢空有若無歟故古之知竹者其惟夫子乎子猷蓋非知竹者
也客曰甚哉清虛子之言似夫子也敢賀此君從陳蔡者皆
不及問君何修何飾乃得四子而同席願堅晚節於歲寒以
無忘夫子之德

糟蟹賦

揚廷秀

揚子疇昔之夜夢有異物入我茅屋其背規而黜其臍小而
白以為龜又無尾以為蚌又有足八趾而隻形端立而旁行

唾雜下而成珠。臂雙怒而成兵。寤而驚焉。曰：是何祥也。召巫咸卦之。遇坤之解。曰：黃中通理。彼其韞者歟。雷雨作。解。彼其名者歟。羨海若之黔首。馮夷之黃丁者歟。今日之獲。不羽不鱗。奏刀而玉明。披腹而金生。使營糟丘。義不獨醒。是能納夫子於醉鄉。脫夫子於愁城。夫子能親釋其堂阜之縛。俎豆於儀狄之朋乎。言未既。有自豫章來者。部署其徒趨踰而至矣。謁入視之。郭其姓。索其字也。揚子迎勞之曰：汝二淝之裔耶。九江之系耶。松江震澤之珍異。海門西湖之風味。汝故無恙耶。小之為彭越之族。大之為子牟之類。尚與汝相忘於江湖之上耶。於是延以上客。酌以大白。曰：微吾天上之故人。誰遣汝慰吾之岑寂。復酌我我。復酌客。忽乎天高地下之不知。入焉。知二豪之在側。

後蟹賦

楊廷秀

司徒道明來自洛師。至止江湄。逢一湖海之仙。貌肖乎晉之解揚。而其怒有赫。骨像乎漢之彭越。而其園中規獨愛其二。執戈者前矣。視其趾。二四而有蹄。意以為吳中介士。郭先生也。不知其姓。則彭。其字則螟也。亟携其手而上曰：吾自渡江以來。取友不少矣。如孔之金。如王之瓊。吾皆得而友。朋如魏之玉。如庾之穀。吾皆得而歛。曲夫子安在。何相見之暮而不夙也。於是齒牙嗜焉。曾懷寄焉。與之一飲。一食。而同醉焉。夜半客起。若有所刺者。司徒腹心。岑岑若有所崇者。詰朝下逐客之令。屏之陽侯之遐裔焉。他日以天子之命。作牧於豫章。幕府初開。延見俊良。望見一客。又似乎彭越。與解揚。命典謁者曰：是嘗崇我而幾我傷者矣。予不汝殺。世無黃祖。其生致

之於溯江而上之揚乎。揚子方晚飲。聞其至。揖而進之。曰。吾有二友。惟彼麴生。與爾郭索。老夫與之同死生。不減顏氏子之樂。彼也。日從予。存爾也。久予云。貌何相忘。江湖莫我肯顧也。何使清風明月。必思元度也。爾之德。吾能言之。洗手奉職。德之上也。就湯割烹。德之次也。鋪靈均之糟。卧吏部之甕。德斯為下矣。客於是。涕唾流洙。圍視而顰謝曰。七固有以贗亂真。以遠間親。聖而受圍。肖乎形也。孝而投杼。同乎名也。僕之主公。昔以彭為郭。今以郭為彭。不遇蔡司徒。幸遇揚子雲。願借先生蒼頡之篇。與太玄後蚓之文。詳注爾雅。彭郭之異族。庶解朝於司徒之門。

文翰類選卷第四之下

文翰類選大成賦類目錄卷第五

元

熊與可瑟賦

姚端夫烏木杖賦

趙子昂吳興賦

紈扇賦

脩竹賦

袁德平求志賦

朱伯賢吊賈生賦 震澤賦

虞伯生畫枯木賦

馬伯庸傷已賦

李惟中感志賦

蒲得之雪軒賦

張希孟鸚鵡賦

黃潛卿太極賦

李丙奎石鼓賦

李朝瑞天馬賦

歐陽玄義門賦

楊宗瑞辟雍賦

廖成大禹鼎賦

何克明雲夢賦

方君玉龍虎榜賦

周尚之科斗文字賦

孟泌凌煙閣賦

林仲節四靈賦

彭士奇泰階六符賦

蒲紹簡登瀛洲賦

吳朝陽陽遂賦

方仲鈞無逸圖賦

劉性石渠閣賦

周鏗大別山賦

徐容太常賦

馮勉清廟瑟賦

羅朋玉燭賦

曹師孔靈臺賦

李子才繭館賦

江孚龍虎臺賦

陳植金馬門賦

李哲蒲輪車賦

鮑仲孚龍馬圖賦

李庶王會圖賦

毛元慶黃鍾賦

沈幹浙江賦

李原同江漢朝宗賦

邵公任暘谷賦

胡翰少梅賦

吳立夫狙賦

定命賦

尚志賦

貧女賦

任叔寶燈花賦

寶鹿賦

傅與礪郊祀賦

觀瀾賦

陳衆仲瓊芽賦

味經堂賦

無名氏龍虎山賦

